

思辨齋文集



思補齋文集卷四

武進劉星煒



聖武遠揚準夷平定恭擬鏡歌八章

謹序

洪惟我

國家靈承

景籙黃芽所職煦嘔燾育罕闕眇絲徠義渠史林
區陽西申於郊遊文犀菌鶴駒駃駃於椒盃夫
舉踵獷俗歸仁遐稽大庭昊英之先攝提合雒之
紀莫得而比隆焉蠢茲準噶爾者本有元種人介
思補齋文集

卷四

雜文

一

居煎鞏黃羝之間倏睽睽盱侵斂蕃落我

聖祖仁皇帝赫怒于征猳獮縻長纓塘蝟膏齊斧
餘孽逋播喙息蠕動涵行流沙以西我

世宗憲皇帝簡貌貅張法網右翦左屠俾無易種
時策妄阿喇布坦稽顙樹領獻言節春秋吏惟謹
用是賁其藁街之戮歲與款塞蛾伏爲外臣我
皇上嗣撫八紘聖武旁輝昭晻棣通旣徼檠駱存
魚鳧羌渾君長咸惕息於

王誅顧仰維

聖祖遠攻薄伐之義

憲皇赦過宥罪之仁

詔命尉候勿震勿渝用救寧我疆以填撫絕幕有
眾皇哉偃武之隆軌也會噶爾丹策凌物故嗣子
樸蒙私子恇兇逆臣達瓦齊實惟封豕之心睥睨
闕沈遂縱閭干知自絕於天彝虔劉國人弗恤惟
凶人滾布從臾裔毆屠耆谷蠡之屬用捕參夷誅
剉之刑用殫喋喋遺黎灼爛鬻炎行號走籲告哀
近關

皇上御行殿詔鴻臚日華星陳荒憬咸覲賚以錦
袷胥毗之寶搢以裨王大長之符滿以紫駝素鱗
思補齋文集 卷四 雜文 二
之廚

天膏湛濡咸與悅愉降人襟被

渥恩揖志搏心願注矢荷戈効列於前驅

帝用其衷命將選徒一舉而戡暴定功揚駿烈焉

初

皇上納降臣之請簡稽鞅韜運籌穆清在庭三事
以艱大告

天子曰惟我大清廣輪萬宇撫有海內外準夷敢
不冀其亦含齒戴髮顧罔爲臣僕惟

天惟

祖

宗尙昇予一人矧茲顛顛伊噫孰非予赤子今弗
祓於焚炎聽其爪剛齒決羣聚而殲旃則予一人
不克開於民之麗爰是

授簡武臣播告方畧庀水衡於太府鳩票佼於名
王合羽林材官蕃部控弦之士二萬有奇分道躡
朔方踰崑崙徵眾撰日咸會於伊犁師行浹旬有
嘉折首

天波潏漾鯨鯢泳俟謹聲飢屬疾於置郵更慮六
師騰驤下國震業

思補齋文集

卷四

雜文

三

命內附者勿離其甌脫渙汗匝洽

龍文首塗箕張翼舒

皇旅鞬鞬洗兵瀚海刷馬陰山凌崆峒騰嶽辭輪
蹄所歷畊童扶犁牧豎刈藿温風翔而靡草秀甘
雨集而枯荑榮準夷鄰部噶爾丹多爾濟等弛戍
撤衛率魑髻左言待於沙漠其達瓦齊宰塞宰桑
咸劉爲讐民越軼林莽虜面躡足喁誦

叡旨恩深於肌其柴池此虬欺猓嚙則兜離任
侏之宴媵也其扶攜任戴絡繹賚贄則蒞秆繒絮
之儲侍也其羶香衍溢壺箏樂胥則煥蠡潼酪之

酣滑也達瓦齊於是無子民之侍匹馬隻輪之衛
鼠思狙伏延頸

天刀我師采入其庭區部羌夷咸復厥邑逋臣鳩
定還爲王人西傾底平

天子大凱典禮大備茅社酬庸唐哉皇哉粵若稽
古帝三年克鬼方六月伐獫狁皆頓兵耀武張皇
鋪敦文命敷土防風就戮專車志惜義朕有征自
惟姚帝格有苗文王降崇景鏢隆古然而干羽未
奏苗人逆命崇墉雉屹厥惟艱哉未有折筮驅除
師行衽席而大憝平巨中外視福如今日者則以

思補齋文集

卷四

雜文

四

聖德巍巍翼翼比於虞周而

列祖纘興蕃釐累洽有萬萬禩罕能媿者以故西
戎卽敘不假因壘七旬之事焉抑臣聞之惟

天權輿不育異類準噶爾憑介險遐淹晷効順

上天庸釋其命旣假手達瓦齊芟夷由孽復俾蔡
莽鬻昏自卽於丕刑則其繫於惠迪從逆慶殃之
理甚大臣奉使海堧逃聞

大號不勝率舞謹擬鏡歌八章詞曰

帝受命昭景炎憲參旗運斗鈐赤奔張靄鼓嚴建
道遊崇嶽詹萬靈嫉百禮咸溥德施毗庶誠孽枿

裁濡鯤鯨翠琬鏤重譯漸章一渠搜順軌常羊爰賓
有恆準夷瘦號以狷堂堂漢野

烈祖於榛叢莽載薙敵穀勿震逮我

憲皇燮伐用振簫勺蒐慝猥邸悉臣古黃文犛般
從上林丕顯我下武右序我

思文章二

圓祇鴻祐我亶垓埏裔夷享王汜衍護兮順則大
降割彼猖狂蠢蠢逋誅人沸炎如蝸蟻孽子旣畢
屠賊臣還胥戍歛關覬焚西呶頭屢搶

帝曰吁言何咙維清緝熙外大國是皇藁街待懸

思補齋文集 卷四 雜文 五

玉門胡可望

天不洩爾凶德予惟敢不覆章三台吉孔武偽準謂
不薰毒蕙蠹芥將罹於凶賢王畢逋且渠從睚我

戍候馬首東

帝闔如咫類類通龍麟胥飾大賞醲告

皇帝綏有衆叶部種人銛前鋒羣工願羈縻

帝爲弗庸往昔存冉駘惟元臣是同章四業業朔方

宛宛酒泉

皇旅沛艾于山于川北燮西傾亭障孔延左千右

羽載導戎旃師暉焯

皇聖武匪招斯徠惟予拊爾車童童田廛廡牛呵
婦饁復爾所憚人舒飢人哺二雅歌兩階舞五章喀
爾喀我蕃落連穹廬通警柝師行清野恤其瘼斗
糧無輸惟潼酪壺漿灌囂殷絕幕多爾濟今王人
悉率贖猛芾漠塵桓桓介馬士傳是宰桑子僉而
蘇來如駛達瓦齊獨夫耳六章軍容有虔

天兵四羅遺黎扶傷寢以訛槍壘周陟尺組在脰
獷獸之窮敢予鬪戎索于疆景員孔洪魚鞞鯁醬
虔厥共降人畢徠咸復爾次尺土一民非所利七章
西陲巨猾底平册功大凱旅旋一矢个輪無憊雪

思補齋文集

卷四

雜文

六

來柳往不淹

皇威荒渺于宣

帝曰師武臣賢王公

錫爵永縣彤弓豹尾魚旃推

恩大賚八埏周匝宏溥萬千

列祖

列宗饗禋

元堂籌邊百年惟

帝佛時仔肩大德持勝以謙

小臣

昧上言詮巍巍

成功則

光緒二十六年十一月

聖母皇太后七旬萬壽百禮於節高靈

中書識奉

奏與慈太后江廣海關沐浴

時本使

命得從奇主

冠又

思補齋文集

卷四

雜文



聖駕三幸江浙迎

鑾樂章

謹序

乾隆二十六年十有一月莫不畢延以奉

聖母皇太后七旬萬壽百禮胙飾萬靈縕豫越明年孟諷奉

安輿巡朱方江堧海隅沐浴鴻澤罔不樂胥

微臣

時奉使

命得從守土吏鞠脰道左快覩

景旭又常學於舊史氏以陳詩爲職業誠謹誠忤稽首頓首謹言

臣

聞聖人之德莫大於孝又曰豫

思補齋文集

卷四

雜文

八

順以動故天地如之逃稽昊穹生民秉錄司契肇自太皇氏開治二萬八千歲或云四萬五千歷算之盛無有倫比然已駕雲祇車覆露六幕挺桐萬物厥後軒者黃姚弗祿單厚而封岱禮河九土爰歷非好勞勤誠以大鈞所圖運坱圠輪困惟周游而棣通之故能和天倪闡

靈繹也

皇上孝德純懋尊富之美莫不畢致以奉

慈豫西傾遐逝

列祖所不饗我

皇遣一旅之師指授
方畧草薶而禽獮之味莫之區莽豎之野內面請
吏至於二萬里

璇闈悅穆大奏愷樂昭陽之歲七政同度以符春
王三始五德之運斯蓋員靈方祇符同合契致
寶命於

聖皇而

聖皇復虔鞏勞謙上介福於

文母則藻肩黼帳璇題玉英之中而已百神受職
萬靈仰鏡矣惟時吳越之老進曰

思補齋文集

卷四

雜文

九

皇上紹聞

祖烈再莅南土侗蒙假愛登之大庭跂踵遙睇者
五載於是曩已申

明詔戒前部靈臺珍館宿設以俟一隅有眚懼納
之隍而回軫豈伊屢豐而虛予僎也

天子孺然動容乃展軫效駕納臺吏之請歷星紀
之次青陽三月林芳川媚光景咸覩烝徒不驚所
以承

慈徽娛

愛景者徇眾欲而時陳之覃

渥恩縣

聖籙者渙大號而普賚之俾上天之貺凝承純固
萬萬禩靡有紀極邦其永孚于休茲事體大而德
澤林也小臣愚昧作爲樂章其於鴻烈景炎無當
萬一願比於矇瞍之義推本

孝德以明祇福之所自

皇帝御極以來逢國大慶輒舉省方之典烝黎咸
說爲景

翠華第一

景

思補齋文集

卷四 雜文

十

翠華氓之忱自我生南疆穰樂湛湛屬有慶

帝澤臨歲徒維羌憺心越汁洽迓

鑿驂憬準夷獯以燂

輅載巡德洽南底定回部以迄於今熙典蒸黎

景炎澍

德音駢

睿圖福孔壬星連緯烏合蟾于南之分炯以暹宜

受祉逮庶黔侯不邁哉維日夕以覘

聖母七旬萬壽覃恩錫類爲廣蕃釐第二

蕃釐廣矣壽考長矣允文昭武

彤黼毓祥令德壽豈葭鐘叶陽隆禮蕃蕃輯慶不成

璇闕肇初迄於萬疆行莅南畿諧民所望八會娑
舞三宮環商幣緋啡霞璧庚庚榮泉載芬合穗
載馨膳調以豐愛景有暇率虎拜庭八寅孔穰太
始臻瑞富媪奉祥福草銜枝黃星明明

昭澤決滴錫羨大盈南民逾熙敬迓

翠軒載頌載祝適申我誠

駕幸江浙省方觀民爲爰轅第三

駕爰轅淮之泚翔螭龍馭雕虎耀葩瑤鳴玉軌

思補齋文集 卷四 雜文 七

旱蠹蠹旆糾糾叶虬叵陀駟帖爰宿句陳衛元武

鶴控營豹輯旅雨濯塵風被道叶江之南浙之左

黃者童白者叟感

聖皇屢惠我睇景雲瞻玉斗叶

皇之來澤歐紆叶日華煜星轡下芹有香醕載壺

叶迎後車拜江步介祉繁禔福厚

青陽司令春田茁茂爲農祥第五

農祥有慶升於垣東六轡來斯載星以行叶維此

南毗克勤厥疆火耨其脰水流其經芘芘者麥無

域無稂桃毓其華牛鳴於宮拂拂鳩羽降於青桑

齋齒依簷婦蠶載筐曰日杲杲曰雨斯濛兆用大
豐柄執其端叶鬱鬱萑蒲於沚之中爾膏爾腴
帝所成功

導河觀海指授

方畧洪波底定爲底瀾第五

底狂瀾洽明德錫圭受圖師禹績元功漫漫賁南
國奇相海若靜不忒黃流湯湯淮所歸遠自崑崙
經臺懷沈芟伐木相厥宜舊維底定今來斯叶天
關地局列兩鉞互千萬載不涸波叶瀾滄海兮東
之遊叶銀瀛靄靄鑑可持元鼓下奠安黃能龍伯

思補齋文集

卷四

雜文

三

謁

帝頰鸞旗呵導濤淀蟠神螭鐫功勒成紀攝提豐
碣嶽嶽縈珠魁

簡兵講武舟師騎卒軍容盛壯爲揚旅第六

揚虎旅振闐闐文治爰以武備不忘在安曦麗營
風靡旃步妮妮騎璘璘甲蒼鱗驂翠環雲集霧合
雷馳電奔陸師止鐳海幢鴻翮澹雲旗往復還騁
泚深灌齋淪陽侯駭魚牛震東博桑西崑崙國岐
舌域大頻降其渠來作賓秉七始奉三辰隨

鑿以南繹繹莘莘眩眴掉志曰

皇武甚神敢不永從以無拂於

天
鑾輿周歷民恬景熙爲

皇情豫第七

皇情豫江甸麗景嘉南邦自始泊三巡民氣日以
充老者屆耄臺幼者長穉童畝棲餘糧淳室可封
華耀其葩豐楨茸茸崇樓儷軒飛梅環窗句萌行
春暄律麗洪乘

龍媚駛翠艫眄巉巖瞰碧江淑氣魚魚兆人隆隆
以集茂祉以樂

思補齋文集

卷四

雜文

三

慈衷

天文周布日華雲燦爲

奎藻第八

奎藻炯炯麗清曷豐碑翠珉昔所聞叶撫機觀化

握錦璇有風自南夏薰絃丹巖靈滸象萬千奏欣

集豫刊妙章叶金枝碧葉流華雲朱蘭赤桂交閭

閭芳烈醴郁輝泉獻叶懸黎垂棘揚琛瑛叶與前

睿製同斑璘如日抱戴光在中臣拜稽首莫敢名

被中雅垂萬年

蕃釐介祉殊祥異瑞絡繹輻輳亙古未有爲集地

禎第九

集地禎篤斯祐昊天澄祇四府南有山波嫫姬出
器車蒸菌乳扇祥風協中候光依韋應矩武

皇之澤沛若雨協神人格上下圭瓚薦壇帖安叶

貸布泉浩若海叶存幼悖錫耆壽渾齊東南靡福

不厚懽志愿飲榮光融冶叶欣欣春臺衍衍燕譽

叶

輿情虔祝

聖母萬壽

天子萬壽歲

思補齋文集

卷四 雜文

齒

巡幸爲曼壽第十

曼壽符協南極紅輪升寶月翌璇樞環瑤星施

文母聖壽應斯則千斯萬載緜億億西池虎齒擷

桃實

天子萬年推孝德紹

皇祖莅南國儀四游民用懌駕六提坦以適鞠有

泉流滲液俾斯民履壽域歲歲來茲錫馘穀叶天

昭地泰慶

皇澤

乾隆二十七年恭進

起居注摺子

欽惟我

皇上斟元馭籙則大陳樞配極璿樞列嶽闢巡方
之館延暉瑤燭上階明布政之宮胥遐甸以來王
恩周荒憬溥含生而率育道被鵝行臣職在編摩
榮叨侍從西清載筆翹瞻八采之光東序陳書敬
上十華之券伏見我

皇上奉三出治執兩用中四時集羣聖之成八表

洽重熙之慶

思補齋文集

卷四 雜文

五

天符地德百神並統於申禋

武烈文謨

九廟均依於主鬯祈年

紺幄正蒼龍覲土之初瘞玉

嘉壇際赤羽迴鑣之候吉蠲孝享薦時物於

元堂大裕

親行覲耿光於

太室孔堂釋奠升柴逮日主之祠淮浦禮神沈璧

靜冰蠟之舍祥和香瑞契道脈於

元穹曼壽呈符合懽心於

文母江魚竹筍行廚調六饌之芳

鶴籟龍艘綵服展

三朝之駕先是吳根越角景

翠華而望切俟予矧夫飢粟寒繒澹沈災而情逾

戀

主占

帝車之次舍兆應時巡考天目之司方卜云祥習

班麟服輓扶

玉軟以南行鏤象載瑜麗

金翬而春省舩艗轉漕留萬億於河干太府賜金

思補齋文集

卷四 雜文

六

惜銖分於民力澤國汙萊之壤概緩催科會城駐
蹕之區全捐賦入中壘導海籌鞏固於柴塘高堰
行河慎節宣於清口徐方底績懲故事於切堦撈
淤塔嶺封泥告成功於增卑培薄蜀錦齊紈之燦
爛遍及儒紳朱提白粲之豐盈施於耆造嘉老臣
之迓

輦逮以殊恩喜髦士之陳詩優之清秩泮林籲俊
廣解額於青衿蘭綺陳兵列軍容於韎韜前驅撤
衛罷等幢角觝之觀

行殿捐雕汰火樹銀花之勝金雞放赦句圍空貫

索之躔紫鳳銜書鞶帶有終朝之錫

銀毫批諾絡繹報章翠琬鐫芳唐皇典誥攬湖山之巨麗藻繪

天容駢海嶽之菁英鋪敦

帝澤至若順金秋而表貉制擬梁鄒經榆塞以獮禽事規文囿京薪爛朗和門覘茶火之容陟網圉分俞騎列鶴鵝之陣辟弓

手御扼狡獸於崇岡黃矢親調瘡剛蟲於邃谷是裨王負弩絕徼趨風桂蠹文犀采於蘇祿紉牛露犬貢自條支度索重霄纏帽之徒磨集籥雲西道

思補齋文集

卷四

雜文

七

大宛之種電馳彼愛烏罕之嶮遐重逾九舌弩喇麗之味莫遠邁三爨而乃過蔥嶺以東來越輪臺而北至玉具鹿盧之獻製比筠冲廣場詐馬之筵衣被只遜是則椎髻左言之俗盡鞏

皇輿然而淵蛭蠖濩之中惟求人莫念河渠之甫定結倍直於薪蒸慮兗豫之調飢展賑期於旬朔輦路巡行之地盡免舊逋水程迤屬之區遞安掌庾際迎貓而咨保介貽以來牟遇叱犢而憫耕人貸之種食至若神畿霖潦流庸益軫於

堯吁近甸沮洳鬢剔均縈夫

禹思行糜經歲設厰遍於窮鄉發粟神倉監糶委
之大吏嗟荷艾之已瘁

詔給芻菱籌饌玉之惟艱

命支祿糈統計偏隅之小胥俱關

盱食之憂勤至於恤耆碩之引年寬其朝請愍勞
臣之盡瘁錄及後昆際三年明試之期爰頒懋賞
增五百世臣之貴用獎殊勲慎使臣制置之非時
誠疆吏興居之無節念青袍之鵠立大啓珠宮慮
瑣院之目迷榮頒細帙深溝濬洫罷大姓之樂輸
除道成梁俾旅人之卽次凡此省成而奏憲無非

思補齋文集

卷四 雜文

支

發政以施仁至於懲糜帑之大僚誅攫金之墨吏
分嚴苴履交通詎及於輿臺職有專旗決罰勿加
於毗庶駁復讐之議戒切尋艾定遣戍之條鋤其
梗化總以辟期止辟刑在無刑然猶審慎爰書哀
矜庶獄煌煌秋憲首嚴篋篋之防盜盜春波不斬
蓋帷之賜

詔頒讞牘藏在爽鳩畫一比於鈞衡奏當成於金
石章逢斧鉞羣依我

后之仁雨露風霆悉本

上天之載况乎

皇上屏書無逸凜六御於

乾行謨戒克艱揭重輪於離照笙簧古訓釐前載
於姬文陶鑄含生設中衢於舜甌脩和有夏用敷
錫厥庶民翕集蕃釐俾緝熙於純嘏此則庶彙衍
珠囊之潤暢泝無垠四溟仰璣鏡之精頌揚莫罄
者也臣等長趨禁鑰夕候院鈴雲燦日華覲
龍光於玉案管窺蠡測編

鳳紀於金繩

思補齋文集

卷四

雜文

七

乾隆二十八年恭進

起居注摺子

欽惟我

皇上道闡乾符仁覃泰寓鵬霄式廓四溟仰璣鏡
之精鳳序均調五緯協璿樞之運三百六旬熙積
斟酌堯尊九十萬里開方唐皇軒陛臣簪毫

鶴籟保直

螭坳跪聽鈞韶律度咸臻於美善翹瞻

雲日光華懋著於軒輦伏見我

皇上亨育含生脩和庶政維

思補齋文集

卷四 雜文

辛

皇建極

員靈徵合撰之符率

祖攸行

列聖衍重熙之慶陶匏越席通燿火於

元穹黜犢黃琮達蕭光於

泰折享嘗盥薦四時並肅於申禋大禘居歆

九廟咸憑於主鬯虹旃左轉

珠邱陳鞞琫之遺俞騎西臨

松棟泣羹牆之慕吉亥舉靈星之祀駕慈悌而

親挽洪縻元陰禮右社之祠莅

瑤壇而薦陳量幣三朝問

寢娛愛景於

慈暉萬國承

催迓純禧於曼壽霞莊月館千春留萱圃之花麟
脯駝羹五夜視

蘭闈之膳金行順令扈葆佾以時巡珠典垂謨奉
徽音於晨省是以朝臨闈闔玉衡占七政之平歲
御邇英韋筴闡六經之祕誕敷文德摛會繡於
天章載續武功運鉤鈐於

寶思先是烏泚狼曠之城重舌來王纏帽鑿耳之

思補齋文集

卷四

雜文

三

徒敏關請吏銅鑲列貢夔魑襄太乙之爐錦蜀效
牽赭白炫天房之舍未央置酒饗餼浹於家陪太
液嬉冰魚龍陳其曼衍

詔於西苑大啓和門班旗則兩翼箕張旒鐸則八
門陣闢穹廬蓋海雲靄殷尊俎之間剋卒趨風韎
韜列烏蛇之陣雕弓疊轂拂旬始而芒角俱銷金
汁連環起豐隆而楛槍盡偃

賚奇車於異域北戶知歸傳渙號於遠人西垠麋
至若乃灤陽駐罕清暑氣於

宸襟榆塞獮禽習軍容於文囿侵星由鹿添籌晉

節使之行毋張廚傳槐庭錫祉晉阿保之崇階柏
府求言黜譁囂之故習朱轡任職

詔月尹爲舉能墨綬宣勤

賜璽書而增秩採民謠於絲穀崇墉弗任以脩防
遏寇斂於萑蒲出柙務誅其典守三宮奏賦欣擘
帶之新遷四牧載塗戒帷車之重閉禮先爪士膝
席勿尙夫靡文國有虎臣頤指寧同於廝養黃麻
發策宣臚句而制始糊名紫閣掄材錫翠翎而技
呈貫札輝聯赤道南交服稽顙之文禮被元菟東
國做謀孫之畫至於桐圭載錫懿親全敦緒之恩

思補齋文集

卷四

雜文

三

周俎

親臨戚屬懋哀榮之典嘉老臣之盡瘁飾終兼酬
爵賜金倦新邑之初基致祭逮名山吉土固已夤
紘集慶覃滌澤於鷄林然猶畏僂揆情扇祥颺於
棘戶斥強家之豪橫盡殄豺狼嚴劣慕之黨援廓
清城社終始蓋帷之錫折筮銜恩哀矜寄棘之投
圓扉靜讞鳴桴輟響祥刑馴致於無刑驂篠知驩
昧谷咸移於暘谷吳根越角羣紆望幸之誠竹槿
柴塘早仁

巡方之駕爰於冬月

特降宸章樞栝捐雕無改茅茨之舊句陳弛警悉
安井收之常登跂喙於春臺躋環瀛於壽域八荒
在宥爰陳無逸於丹宸庶事維凝尙稟其咨於黃
屋揚和抱德暢沂無垠保泰思艱欽承有永龍山
鳳水會八極而輯瑞蘿圖月駟雲車撫五辰而風
馳斗野臣榮叨載筆職在編年左掖更番繞猊鑪
而追隨

仙仗甘泉法從瞻豹尾而繪藻

天容昭示

玉音藏之金匱扣槃捫燭長晞雙珥於員輪推策

思補齋文集

卷四

雜文

十四

陳籌敬上十華之寶券

爲勝國閻陳二公徵詩啟

我國家箕緯膺圖元都御籙天戈所指反舌無聲
海水來宗夜郎不大爰是軫秦庭之哭電掃黃巾
彰殷武之威風馳紫塞漸臺放仗揭竿行王莽之
頭鉅野殪兇分冢磔蚩尤之髀三靈祇若六宇謳
歌嬰子奉以龍圖高寢遷其龜鼎斯時也八州牙
纛上璽綬以請纓五等貂璫望軍門而解辮蓋以
韓仇已報子房義得還劉禹服嗣興有扈終當事
夏鷄飛鯨走盡戴

皇輿蕨苦薇甘寧非周粟然而義君布日冰崖留
思補齋文集 卷四 雜文 五

獨冷之蠶異母迴颺珠岸苗反風之草其有七旬
逆命二尉嬰城雖吠味尊

堯亦哀同望帝詳其軼事良足慨心日者明祚不
綱燕雲告難翟泉蒼烏盡蹴飛沙鄴苑銅駝俱淪
廢棘北斗珠旗簪日甲子狗師南朝鐵瓊沈江庚
申出廸惟茲水國古稱鼃鼃爲鄰况值隆車雖有
螳螂不怒維時陳公倉皇銜恤慷慨登陴封江上
以丸泥驅市人而制梃九衢愴楚皆爲李勉之兵
百雉崇墉卽是王雱之塚我天戈汎汎舌無聲
朝於是命戈船而下瀨揮彈羽以張羅飲馬於河

雪滿駒駉之廐連雞爲柵天長驃騎之營藐爾孤
城方猶黑子先此孫恩內犯十年未復瘡痍今茲
祖約乞降七校爭爲鄉導銅丸內潰崑岡之石夜
燿玉弩斜芒碧落之星晝隕爰以閣公夙膺干揆
曾劈海而迅掃鯨鯢素習戎韜請臨城而辨嚴蛇
馬公果懸車無懼成竹在胸鍛矢韞車長社百樓
未動復隍填塹晉陽三版愈艱燒殘卽墨之牛神
燈自炳刈盡琅琊之稻鬼妾可餐皆圍城中事饗士中
秋壓笛而悲歌鏡吹行師六月帕首而更插鞞刀
所以南頓舊臣先傷賈復臨濠名將幾賈花雲羣

思補齋文集

卷四 雜文

美

公誓斬嚴顏

天子思招余闕鴻置疏網

命輸攻揭以虞旛窮鳥飛書

詔橫來蠲其釁社嗟乎愍懷盡室血面朝天高武
孤孫青城搏顙正使杜鵑啼盡難甦遊岱之魂精
衛銜殘奚補窮桑之壑矧復陸機入洛河橋登上
將之壇庾信適周開府進儀同之號二公使勉遵
朝旨早監降旗出皋羽於西臺坐左車而東鄉文
淵擇主終高銅馬之勛雍齒封侯勿替礪山之誓
其視呈身短簿投老蠻參汝鼓汝弓已盡國人之

報江花江草何關野老之悲而乃斷指無歸裏瘡
復戰此則缺斨破斧公旦所以悲來觸石移山愚
公因之坐隕者也果爾江空木杝莫禦龍超風墮
紙鳶難爲墨守靈鼉不舉鼓已絕於死聲妖鳥爭
飛人復遊其生魄黃旗紫氣爭聞班馬之聲哀雁
嗥猿齊和守陴之哭二公雷霆屹若鋒刃恬然旋
出火以自燔共膏原而奚惜焚巢殺卵百日盡葬
灰釘折戟沈鎗萬眾猶喧巷陌邱山同穴誰歸先
軫之元燐火紛流孰辨蓂弘之血綽最已憐其併
命眈眈復痛於懷沙閩應元二子
後渡江溺死今者

思補齋文集

卷四

雜文

七

帝網恢張

天閭咲蕩屬勝朝之苞篲盡貫金雞凡華表之遊
魂俱招喚鶴穀城片壤與魯國以後降沫土故封
憫殷頑之待盡從此奎章正史遂傳韓通丹鼎爰
書不名程濟然而實沈無祀峴首沈碑追恫鬼雄
益彰官謗某緬懷前詰載訊邦人知廣陵彈盡之
時近祇樹香聞之地脩羅戈戟已罹劫燒三災江
表芙蓉敬建高臺一柱文鏡武鼓摧藏薤露之歌
桂棟杏梁黯慘平陵之色所冀詠懷古蹟少陵述
以寄言勸獎忠臣坡老貽之碑版

金臺書院會課啟

集章逢而譚藝教在初基譽俊髦以陳風地惟首
善金門路近天街駢戴斗之星石鼓辭巖壁水巢
園橋之彥是則

祥熏載沐

淥澤深漸萃含譽之瑞符蠓蠕皆鳳裒慶霄之寶
露竹葦成珠矧夫珊瑚恢張瑤閭映蕩春融銀沼
來吉士於梧軒秋朗金樞登秀民於桂苑雕題請
吏左言悉肄於三雍錄耳歸誠梵夾咸登於四部
采樵蒸於文圃楓棘俱良譜鐘石於

思補齋文集

卷四

雜文

亥

軒墀笙匏並韻若乃川原毓秀箕尾騰輝昭景曜
於析津表名區於中冀嵐光練曳霽爽浮金澗道
虹垂涓流戛玉羲娥代御標十景於乾文湖海呈
圖鞏萬年之鼎籙峒嶺棲神之宅問道員遊薊邱
市駿之場禮賢斯在則有尙書舊學博士經傳八
米量材五枝擢秀赫奕崔盧之第方駕諸王慨慷
燕趙之歌頡頏三楚某恭陳

丕訓職在保釐謬忝大都慙茲浩穰昏鐘晨鼓幸
三輔素號澄清秋禮冬詩與諸生共敦揖讓他山
有石爲結綠而礪沙老眼識塗顧訾黃而振策茲

者虞琴清宴久扇祥薰炎序媼妍還韜畏景祈諸
俊少惠我好音揮塵尾以談元扣冰檠而得句倘
遇司空博物還期辨千莫於斗閒若逢無可能詩
願與定推敲於月下

思補齋文集

卷四

雜文

无

蓉城書院會課啟

銜華佩實采風首在於文儒咀微舍宮得士樂程
其絃誦地勢擅平江之秀是處名都星分麗保斗
之躔列城佳氣君峯律吼凌虛掣萬頃詞濤巫子
蒼茫極目瀉千層墨浪磷磷石筏疑從博望移來
齒齒敵山恍自鈞天飛墮暨碧草綠波之芊麗及
風帆沙鳥之容與夾洞緋桃長懷彭澤平湖菡萏
如對元暉以故露冷銀床蒼帝井泉斯在龍蟠玉
匣讓王碑字猶新誌寶樹於維摩花明綺袖劈銅
琶於坡老筆落春潮追琢尊彝士守陸梁之學朱

思補齋文集

卷四

雜文

辛

丹輪轂天連邱葛之家閒披九子文辭琳瑯金薤
雒誦雙忠封事薄蝕青旻更兼百載之謳歌備沐
四朝之文治鯨鐘鷺鼓趨蹌兩陛之間魚鱗龍油
寢饋三餘之下祥金易鑄山靈自獻其洪爐上藥
能收秦媪亦資其銀甕

乙卯丙辰開
事載縣誌

青袍濟濟半

安定之門徒絳帳于于重彭宣之禮分固已別裁
夫僞體行將列繡於名經今者天網高張竇筵伊
邇顧我秋郊鳴鹿盡食華萃還期夏草書螢常依
玉案某謬膺司牧雅尙好音縱下筆以多慙幸識
途之既老尋章摘句詎敢云退食從容握槩懷鉛

未忍忘當年辛苦際此春光九十隨地蘭苕維茲
容館三千借來履屐務抒藻耀盡吐珠光彈一夕
之冥搜等百朋之重錫卜希文爲公輔漫許知言
目管輅爲聖童非緣測影

思補齋文集

卷四

雜文

三

謝喬慕韓寄詩集啟

二分月夜得挹孤標百寶城邊倏來芳訊開緘喜
溢奉集神馳某略辨淄澠粗諧競病抽黃對白竊
比於公幹升堂拊節安歌自愧爲壽陵學步不圖
儕輩乃見吾賢層臺九成自饒瓌寶龍門百尺妙
合音徽無故實而可思蘊希夷而待叩方之匠氏
已超規矩方員律以禪宗不假語言文字顧於近
製獨賞蕪音是謂食帶知甘嗜痴成癖茲者頒來
汗竹惠以瑤華季孟陶謝之間揖讓儲王之列抱
九仙骨清貴可知著五銖衣高寒無對必欲權量

思補齋文集

卷四

雜文

三

品庶別擇宗師願進箴言以供弦佩我

朝風雅前數朱王近代詞章兼推錢沈然而登峯

崑嶺導水滄溟是惟涵泳

聖謨斯稱觀止方今

睿製不下萬篇穆羽含宮藻川儀岳軼葛天之浩
唱邁黃姚之載歌未遽得心摹神追亦庶幾手抵
口沫取法乎上重有望焉

謝方宜田制府惠字冊啟

蘇公妙墨傳自典籤沂國贈言成由削牘吉光集
翠片羽知珍鼉采揚輝半圭已足日者猥頒蟬翼
得觀韭花固已傳官帖於長沙識屨痕於新絳羊
太傅之碑字茂德猶存顏清臣之誥身家規斯在
矣猶以誠懸筆正伯玉體精已窺老米之一斑尙
冀大王之眞面所慮棘門清重武庫森嚴陶士行
出鎮以還未遑筆札韋郇公判諾而外不暇臨摹
何圖奉到錦贖重貽金錯麥光照几彩溢烏絲薤
葉回紋香生紅籀觀其內擲外拓右感左盤規矩
思補齋文集

卷四 雜文

三

神明則兼綜篆素濃纖疏密則另闢章程自非嚙
漱靈飛研精皇象何以一波一磔盡蓄稜鋒如立
如行不逾尺度雙南拜奉八角舒芒皆由閣下謬
采葭莩過垂昉昧思欲換其凡骨鑿彼方心故於
鈞軸之餘閒賜以瑤瑤之祕笈其奈某運錐素拙
布帚非能譚字學而貽誚面牆在翰林而原同畫
餅允當裝池寶翰什襲家珍臨寫萬通坐卧三日
但慮書空廚壁上感天台丈人從教鐵裏門樞謬
比智永長者

毘陵天寧寺經壇祝

釐疏

帝典重時巡蒼旆滿春郊之澤
天庥均大愷彤雲慰南國之瞻
馳玉馱以周行遍越唱吳歆而均敷草偃
御金根而清問合嵩呼岱祝而盡效葵傾民言沛
滲漉之膏佛號讚延洪之籙恩覃浹地喜溢敷天
欽惟

皇帝陛下

照並義輪

思補齋文集

卷四

雜文

音

仁周軒蓋

譜幽風於黼座勤民在雨笠煙蓑

陳夏諺於華旃省穡歷春耕秋斂先是淮海維揚
之地筆舉初巡暨乎翁河喬岳以還復申再幸旋
軫天行之在水慮有飢人遂轉

清蹕於大東收回

成命蠲上方之穗秸旰食憂勤傾掌庾之坻京星
言補助用使三登襲慶黍稌之穫雲連萬寶告成
箇篋之藏山積

天顏載穆

睿旨重宣慰江鄉望幸之誠考虞典巡方之制權
迎

鳳臆娛愛景於春暉虔啟

龍樓迓純禧於南極草長鶯啼之處化洽翔行錫
香粥白之時歡騰叟孺青旗夾道遙聞萬歲之呼
翠輦周遊敬上重華之頌

臣

等躬逢壽宇幸際泰

辰因依日月之光瑤闔望近託處菰蒲之域淥澤

霑深敬設梵筵長祈

璇厓魚鯨齊唱祝海屋更溢仙籌綵樹高舉見桃
實重開度索伏願萬年錫祐八表同仁長庚明列

思補齋文集

卷四

雜文

七

宿之躔泰符常朗綺甲衍無疆之慶佛日同輝黛
耜紺轅歲歲平臨青朏金支翠羽時時翕集蕃釐
等無任瞻

天仰

聖踴躍懼忭之至謹疏

徵建總節坊引

碑峙江干於越紀少娥之孝臺橫涓曲咸秦懷寡婦之清矧夫地本讓王家多女士弔前湖之碧浪誓憤懷沙求白石於枯桑傷心泣血十年針管蹈海知歸五夜髭髻投林如寄姬人待老空房常伴小姑嬌女判年地下重呼處姊徵之前誌昭哉白石青松幸遇

聖朝錫以紫泥彤管從此閨房之秀益凜風操暨乎荆布之家咸知天只鴛鴦塚畔女痛磨笄燕子樓中嫠憂恤緯綺年截髫或者身未分明永夜棲

思補齋文集

卷四

雜文

三

廬甚至家無薄少凡入采風之告盡列烏頭間有補牘之難長埋鶴髮綠窗飲恨鏡前之淚恆枯青塚銜哀月下之魂何託屬諸君子請建總坊華表插雲寡鵠應教比翼貞珉紺碧佩環允得同歸勿吝兼金成茲綽楔石文五色還疑煉自媧皇木楔千章道自銜來精衛林城青嶽人皆泣空冥常

代江陰令告城隍神文

惟神與令分隔幽明義均司牧其有么麼肆讎必
當人鬼同誅載奉綠章冒干元聽以神直聰秉直
捍患禦災幽渚犀光木石窮形於夔罔靈壇鶴駕
吉凶示象於筵蓍斷無貫此囂昏任其賊虐然而
張弧依舊薦璧無靈用敢貢疑尙其彰信古者犬
妖雞禍憑候而興木眚金災因人而作類皆姦同
魑蜮幻比黎邱是以血拇敦肱必待禹王之鼎脩
蛇封豕胥號羿后之弓今則

天路夷庚

思補齋文集

卷四

雜文

七

皇輿泰定支巫魑母盡已拘囚薜荔女蘿何來異
物斯其未喻一也或者某禍由自召孽本多生伯
有之魂十年猶厲夷伯之廟九世終焚則明可伏
我憲章幽可懼茲神譴豈有

皇威震疊假權於伏莽之蟲沙

天網恢張藉手於守關之虎豹斯其未喻二也至
謂非由妖夢實本家冤已化血於他年宜搏膺於
此日佛氏所云作者受者曾子之戒出乎反乎以
此而言則又非理懸鼓所以待叩立石所以達情
城復于隍大有人在豈可不加申請竟肆強梁復

讐之法得行瞰室之憂何限況乎豕能人立烏可
夜啼亦宜及苟偃之頭流杜伯之矢胡以蜨丸恣
穢狐火爭飛等無厲之渠魁同祝融之遺孽斯其
未喻三也再或神荼之索黠鬼能逃天帝之威山
君知畏非神權位所可驅除是或有之抑又過矣
今以鯁生薄德縣令卑官既長邦人卽持國典假
使豺狼當道城社爲姦不報司敗之拘大逞窮奇
之惡必當直申

天討布告上官殲厥凶渠無俾易種何官符甚易
銅竹之達九重而神力爲難聞闔之高萬里斯其

思補齋文集

卷四

雜文

五

未喻四也計自丙歲初冬以迄丁年始夏長嬴北
陸歲籥旋更碧火青燐妖氛未靖神之與令實有
同仇聽鄉校之多言伊可畏也見憚人之厥角能
不悲哉尙其大降明威式昭智爽相彼宵行晝竄
跋鼈之技易窮觀其起穢附塗腐鼠之能僅嚇卽
或驟難歸命亦當逕奏天祇假金戈鐵馬之威除
山鬼江婁之崇班旗贊鼓通元感於風雲斲獠捐
魑攝窮魂於秦岱

乾隆丙寅夏江陰縣民某甲家患黑眚火焚其
突矢盈於甌嘯嗥無寧夕里人咸患苦之時邑

令劉君翰長粵西名士也禱於神不應延羽士
賽祈不應一日謂予曰令德薄試乞靈於驅鯉
之文可乎予爲屬藁如右令齋沐焚於爐宿神
麻下聽命翌日無所兆但爐灰墳起作楚陶字
令謂曰汝豈與楚人陶姓有寃乎甲大驚吐實
蓋甲幼年隨其宗人廢著武昌患惡疾同行者
委之於道分轉溝壑死矣有一丐者雄軀深目
分糗糲食之月餘病良已因隨之丐丐者以力
凌其曹偶所得獨贏因省嗇爲甲作歸計竟得
歸甲素有心計爲人傭租得婚娶且小阜矣最

思補齋文集

卷四

雜文

五

後丐忽至挾巨橐顧顏色窘甚叩之曰曩別後
竄身綠林浮沈湖湘間二十載矣今事敗捕且
急請從子而庇焉甲唯唯語其子子謂令甲匿
盜者與盜同罪烏乎可盍逸諸甲方嘖嘖俄伍
伯數人入繫其人以去矣甲大驚而有拍手笑
者其子婦也曰大恩不報知若父子不忍新婦
已手了之矣獲厚賞且得賞何懼爲民誠無可
奈何顧常大恨不意其崇至於此也令曰盜劫
人而子殺盜盜當其罪何厲之能爲顧汝享其
利則汝誠盜也神人烏能庇盜無何崇益甚燬

其家殆盡子若婦先後卒崇遂絕事本不經錄
之以誅負德者

思補齋文集

卷四

雜文

早

祭相國祁陽陳公文

嗚呼輔角銷芒樞鈴掩曜魄寶賈羅峯之月雨泣
紅蕉朱明黯衡岳之雲風淒素翻

九重輟奠騎箕軫良弼之悲多士摧傷壞木深哲
人之悼矧几席之素親儼金絲之相詔慨心喪兮
易閔歲籥將更懷面命以胡存辦香徒弔恭惟老
夫子淵停玉立鶴峙鸞儀維嶽降神實爲江漢之
紀代陳胙姓是謂鳳凰于飛早升華於試席旋遷
羽於

皇闈方其

思補齋文集

卷四

雜文

皇

金鑿奏賦宣室陳詩

天子鑿凌雲而前席詞臣以近地而先躋遂晉夔
龍之佐竟參台鼎之司我

朝表列鎮之尊重均勞之義屬方州之牙帥盡簡
台臣矧南服之綺疆尤資文吏公於是赤棒遊臻
絳騶前涖飢人雨粟鴉鴻棲黍谷之溫枯肆覃津
貫索靜爽鳩之氣江波列鏡郇膏合左右以紛縈
海道平艤漢柱遍朔南而暨被在德徽之亭育用
輔世而長民惟儒術之昭垂是經天而緯地

皇帝嘉公丕績晉公尙書邦旅救靈是曰爪牙之

佐銓衡簡要實惟喉舌之樞贊元功於玉卮參密
勿於金鋪時則銅儀夜直

黼幄晨趨輝潤

天文鳳藻煥如綸之筆導揚

武烈龍韜廣益地之圖蓋物望咸資黃閣祈司馬

早正台衡而

帝心更念蒼生借寇公還兼鎖鑰扶風馮翊首建

華旃象郡日南更開蓮幕爾乃桂嶺風清羊城霧

廓昭蘇動蟄炎林無在雷之魚抉摘姦窮高樹鮮

乘軒之鶴盈盈浦嶼鮫人更返元珠盲盲溪潭蠶

思補齋文集

卷四 雜文

聖

子能馴鮫鱷人擬婁公盛德一怒不形豈知范老

威稜萬家無哭孔齡知命葛相忘年纔歌華屋旋

歎逝川龍蛇讖應泰岱峯顛

一人震悼八部哀纏溫明輟賜碑篆榮鐫烝嘗廟

食簪笏世延飾終備矣公何怛焉某等樹李故蹊

傳衣舊系溯洪爐之待鑄自愧祥金感丹旄之俄

非深憐焚蕙三年築室終違端木之心萬里銜哀

難制羊曇之淚遙託寫於哀緘終愴懷於異地

祭于午晴先生文

嗚呼者英凋謝靈光之歸望空存大雅淪沮江左
之風流永逝芒銷太白知歲星久厭人閒月近少
微占吳下又淹高士過良常之里結想人琴營峴
首之碑空餘屨屐痛鑄顏之安仰玉筍銜哀嗟說
項之無人青袍下淚恭惟午晴先生星躔箕尾代
掌絲綸某水某邱仙籍華陽之里公孫公子世家
通德之門璣鏡在胸佐椿庭而敷教凌雲奏賦偕
棟蓼以承恩始含香於

采殿早橐筆於西園研朱校七略之書聲傳汗簡

思補齋文集

卷四 雜文

星

脫藁作三都之序紙貴輶軒遂乃試席高驤承明
視直宣毫紅硯宮中傳才子之詩羅烏江花闕下
重翰林之筆高文典冊狀

日月之光華劉井柯亭寫蓬瀛之景物固已東岱
登封之作悉用馬卿西園清夜之遊羣推吳質至
乃星輅奉使玉尺衡文桂林蟠木之鄉一枝得月
岱峽近畿之地五色書雲凡夫蓬簷之寒峻以及
臺館之清卿無不聆溫言於愛景而煦和氣於祥
熏迨夫偃仰蘅皋遨遊蘭渚朝簪謝後逍遙泉石
之鄉史局攜歸寢饋圖書之府欣鳳子之搏霄快

桐孫之纂武客過八龍之里世族無雙人遊駟馬
之門瞻天尺五巍哉鼎嗣蔚爲名臣授簡金鼈中
禁論思之重垂紳玉陛尙書喉舌之尊夙奉箴言
於庭內早聞詩禮於昏晨

帝有恩言爰念所生之重孝惟不匱永懷罔極之
仁厯徵甲第之清華載溯冰銜之烏奕大年七十
無損神明弟子三千還盈几席長鬚赤腳莫窺喜
慍之形萼菜鱸魚足壯盤餐之色固宜躋仁壽於
期頤陋神仙之服食何以淹歸長夜驚二豎之纏
絲俄賦大招歎百年之倏忽然而

思補齋文集

卷四

雜文

書

九重下詔兩地銜悲方墨衰而視事旋徒跣以言
馳旣全歸而全受亦何憾而何疑某曾窺道素堂
仰風期見李邕碑版之心乎愛矣誦杜甫草堂
之句非曰能之方以託契中郎願交謝傳不意未
逢羊舌先隕祁奚嘗聞太上之三沒而不朽敢薦
生芻之一靈其有知

祭副使莊南村文

嗚呼歲逢單闕痛尊宿之淪殂星驗少微悼高人之奄忽鸞訛鳳靡覽德輝猶在人間木落山頽歎夢奠俄傾前哲領容臺之禮樂暫雪涕於麻衣秉海國之鈞衡更摧心於玉尺凡託契於瓊枝盡銜哀於素紼恭惟先生漆園貴胄東海名家緬素族之升華連床植笏表清門之鼎貴五樹同花孔思周情探道源於鄒魯杜詩韓筆富學海之煙霞車武子之書淫常勤夜火王右軍之墨妙寧縮秋蛇雖處約而常操詞翰亦履謙而悉屏囂譁夫是以

思補齋文集

卷四

雜文

望

探桂林攀杏苑五雲抱珥蘇軾則身是大賢七寶敷茵宋祁則名仍首選簪毫禁籞方視草於承明出宰神畿旋飛鳧於京輦時則郇雨自零召棠不翦胡威清節并畏人知汲黯剛稜不隨俗轉官書旁午民艱必析於秋毫異命重申吏事羣推於首善遂乃馳五馬歷四明松臺峯峻象浦泉清常褰帷而行縣時露冕而催耕人鞠人謀時凜納隍之戒已飢已溺更深請命之誠每上計於幕府惟繫念於蒼生迄今永嘉之赤子猶奉賈父而爲名於是元老上書大儒延薦

天子方進卓茂於雲臺見賈生於前殿驂驪虎節
明晝錦於江鄉保障鯨波控水犀於海甸激清弊
吏冰壺屢照而忘疲豈弟宜民黍谷時吹而益善
然而鱸魚蓴菜每切鄉關草長鸞飛猶增眷戀矧
夫龍鸞繞膝已占寶氣於初髻桑梓關心早賦閒
居於清讌溯科名之盛事稽史牒而可徵沂公以
台鼎升華未聞競爽田氏則荆花跗萼罕有嗣興
美兄先而弟後信霞蔚而雲蒸殿上遙傳陋鴻臚
之三唱禁中侍從聞翰苑之同升八座文昌重匡
劉之經術三山使節崇燕許之聲名羨孫枝之克
思補齋文集

卷四

雜文

吳

紹俾祖武之是繩然有大逾謙處豐彌約文章游
戲丹黃金石之篇杖履優游花石林泉之樂哀矜
葛帔緣冬月爲慰存汲引青袍際夜分而酬酢備
盛德之形容極仁心之推廓是宜登之上壽證于
金仙胡膏盲之俄中遽繇綴之難痊里輟歌春豈
遂古稀於七十門逢曳杖驚聞哀慟於三千某誼
均子妣契並蘭荃煙樹蒼茫禮未成於執紼靈旗
縹緲情更痛於摧絃爰陳清醕敬薦雕筵

祭朱豹采封翁文

嗚呼庚子日斜之夕妖鳥爰棲少微月犯之年高
人奄逝東里先生之講席喟息如聞南州孺子之
生芻槍懷莫寘彌留簣影啟錦衾識是全歸嗚咽
春歌志貞石應名墮淚道遙夢莫利那爲壞木之
期叟鑠賓筵倏忽隕過車之涕奠觚爵以陳詞緬
箴銘而考懿恭惟先生尾宿儲精嵇山鍾淑探從
禹穴陳書登宛委之峯溥彼燕城傳道近崆峒之
麓文武自將儲公望於始髻寵譽不驚表儒修於
初服文中弟子王佐之略可知安定門生經義之
思補齋文集

卷四 雜文

聖

傳以續旣乃大人有賦千佛非經列上舍於三雍
蒐奇獵碣課陳編於四姓候晷院鈴式是姱修美
蕙蘭之被徑揚於策府羅鳧雁以充庭大蘇判事
之初回翔左輔巫馬膺官之始出人明星時則治
梁及岐控灞乘漣終南惇物瞻彼阪田清渭濁涇
困於習坎傳來黃鵠全淤鴻隙之陂慮有頽鱗猶
挂彫門之斂監門作繪重沐

恩言幕府上書全捐權算人瘼燭於秋毫

帝座通其元感函關紫氣識隨會之在秦南郡棠
陰知召公之分陝旣而當門致嫉積羽成傷孫寶

通經不曳裾於憲府摯瞻高節竟脫屣於西陽龍
章袞衣遺愛載廣平之頌下澤款段輕齋空陸賈
之裝嘯傲平泉之里容與午橋之莊辨斗府之星
辰占維郎位見雲中之雞犬識是仙鄉神漢有源
歸昌邁種完山四鳥育成盡是鸚鵡赤水三珠探
去無非瑀琤琰長離而作賦擲地鯨鏗從毀齒而
膺官騰霄鶴聳凌雲概日賦才何啻班楊龜繇麀
書道脈遙宗姬孔循松徑以長哦綰銅符而繼踵
五郎簪筆詞頭下而吏腕無停季子祥刑岸獄平
而佛香環擁是皆遵庭誥溯家修傳懿軌紹貽謀

思補齋文集

卷四

雜文

吳

贈王祥之佩刀識符令錄遺柳遐之坐席兆應公
侯繁廉箴之時勛信儉德之莫儔弋練綈衣爰成
春服酒材茶把僅足晨脩斜川華妙之詩加餐諷
詠東海平反之牘霽色研搜

天子於是加鞶帶之榮重庠門之典際薄海祝
釐之會

詔復頭銜當孟冬優老之期

恩頒禁轡郎君扶杖盡

天子之貴臣多士圍橋歎上都之法讌櫺星璧水
童時遊釣之區張丈殷兄輦下介僕之選固宜躋

上壽於松喬作者英之弁冕嗚呼驚心課禮之庭
藥言猶在拭淚問奇之地寶瑟空陳遙聞猿鶴之
唳難招伏老未遘龍蛇之歲竟隕哲人遙知隴右
之儒紳銜恩製誄尤稔閩南之士庶泣血扳輪某
等誼比蘭荃輩同子妖情更痛於摧絃禮未成於
執紼陳清酌以鳴哀冀靈旗之髣髴

思補齋文集

卷四

雜文

吳

祭主政盧仲醇文

嗚呼鸞吡鳳靡入懷之夢無徵玉靄蘭枯課禮之庭猶在緋衣晝見淒清嘒管之聲綠綺夜彈窈渺飛霞之佩名齊管輅愴年壽之不延才促江淹悵榮華之易艾欲挽西河之慟老淚先揮重過東閣之亭風流頓逝維盧君公孫公子鏘鏘萬笏之門某水某邱泱泱大風之里探環樹下驚夙慧於初髻稱象舟中識聖童於毀齒婉婉少儀之訓數馬無愆愉怡子舍之間聽雞自起迄乎對白摛辭硬黃臨字宗武勝衣之歲口誦杜詩蘭成射策之年

思補齋文集

卷四

雜文

五

家傳宮體宵分粹掌練香熏四部之書乙夜抽思屬藁貴三都之紙時則

瑤圃載闢珊瑚網宏開仲華衣袞之榮言從綺歲長卿夕郎之拜原本賦才方策名於畫省終結想於金閨德水投綸攬明湖之秋柳長淮鼓柁循綵服於南陔至其克相椿枝久司鹽筴官書衡石佐弛網於秋茶賓館重茵代傳餐於廣席囁嚅客到傾心鮑子之知襍穢人來屬耳季心之諾士處阿翁之廣厦紛兮王粲辭家俗傳仲子之清標允矣陸雲人洛嗚呼人琴淹忽泡影斯須一昔花朝猶見

西園之羽蓋頻年上日曾陪曲水之簪裾擬臨風
於蘇晉俄示疾於維摩爭言祿命之佳三靈無譴
竟乏緩和之藥二豎爲虞歎仁人之倉猝悲直道
之淪殂嗚呼洗馬神清識好相原非壽者惠連才
儻知無年定屬文人愴黃口之無兒元言誰與幸
青鐙之有婦總帳猶陳鋤芝草於庭前家冤奚酷
殞殯暉於掌上天道寧論魂兮歸來長吉尙悲呼
於阿夔古而有死郗公應投杖於嘉賓某交在紀
羣悲纏嵇呂松枝塵尾時接雄譚青草池塘常懷
仙侶雖山公作達能齊大夢於歸人而向子言哀
思補齋文集 卷四 雜文 至

此

轉痛浮生於逆旅誦奚囊之好句慘絕冰絲撫鄴
架之故書沈埋玉樹歌薤露以噓唏望靈旗而延

祭勵太夫人文

嗚呼瑤帷夢杳虛結響於哀絃寶鏡奩空竟淹華
於厚夜悵年壽之不延悼芳榮之胡藉徽音猶在
珥彤史而如新慈範長埋痛金諉之易謝優龍標
擗隨素髮以過歸老鳳摧傷撫靈筵而悲吒凡結
契於瓊枝盡銜哀於玉笋恭惟太夫人商顏著姓
江夏名門西京許史之家華資莫並東晉鍾王之
胄內則攸存秉箴言於婉婉表令德於瑤琨既而
出自清閨歸於鼎族奕奕聯蟬鏘鏘萬玉郎居禁
鬱弱歲而早踐華階公尙黑頭左轄則兼持鈞軸

思補齋文集

卷四 雜文

五

然猶凜昏晨於堂上哀永逝於尊嫜進羹湯於始
旦徹鳧雁於將翔蘊藻蘋蘩季女則潔齊戒事蒞
蘭佩悅宗婦則澣濯嚴裝旣而司寇公厯承明參
著作縮文衡踐黃閣主爽鳩而靜讞坐容臺而畫
諾惟內政之克修俾執事之有恪鳴璆珮玉蠶月
而仍執桑條線管針紉雞鳴而自操魚鑰暨乎代
匱之辰益見相莊之樂羹藜茹糗曾不改乎恬愉
速舅娛賓羌何分於厚薄迨乎諸郎鵲起冢嗣鴻
牽頰環接武郊祁象賢七寶莊嚴之座盈箱鉅麗
之篇朝野盡推其鴻筆公卿皆握以蘭荃固奉官

箴於椿圃亦秉內教於熊丸伊處盈而益戒信有
大而不能謙慨閱閱之名家遘閨闈之齟齬羊舌之
母尙託識於龍蛇南國之妻多待年於沱渚美櫻
木之深仁致高邱之嫠女七人則鴈鳩在桑九十
則螽斯其羽恤姬美之憔悴俾婉孌而媵予冀庶
夔之廣強惟恩勤而玉汝曾聞仁者宜饗大年胡
沈疴之候中遂末疾之難痊新婦花車纔設餽筵
於三日靈妃鵲駕竟銜別恨於千年歎禮宗之邈
矣慟母教之忽焉某等誼始齊年禮叨授粲堆盤
釘榼屢嘗旨蓄於中廚握槩懷鉛曾聽元暉於紗
幔美盛德之形容感風詩而詠歎嗟翟弗之空陳
哀夜臺之胡旦奠桂醕而陳詞冀靈旗之半漢

思補齋文集

卷四

雜文

畫

思補齋文集卷四

四世從孫

同厚
宗藩
念暉

謹重校

瑞霖

